

Inatsisartut aalajangiiffigisassaattut siunnersuut, Naalakkersuisut peqquneqarnissaannik nassuiaasiornissamut, “Naalakkersuisut Qaqortumi GUX-imi timersornermut sammivilimmik pilersitsinissami neqerooruteqarnissamilu pitsaaqutit ajoqutillu nalilersorneqarnerannik imalimmik nassuiaasioqqullugit peqquneqarnissaannik Inatsisartut aalajangiiffigisassaattut siunnersuut. Nassuiaammi ersersinneqassapput taamatut isummernermi aningaasatigut allaffissornikkullu kingunerisassai. Nassuiaat Inatsisartunut agguanneqareersimassaaq 1. januar 2027 nallertinnagu.

(Inatsisartunut ilaasortaq Karen Marie Kyed Frederiksen, Demokraatit)

Akissuteqaat

(Ilinniartitaanermut, Kultureqarnermut, Timersornermut Ilageeqarnermullu Naalakkersuisoq)

Aappassaaneerinninneq

Naalakkersuisut ataatsimiititaliaq qutsavigaat peqqissaartumik suliaqarsimaneranut isumaliutissiissusiornerannullu.

Isumaliutissiisummi ersippoq ataatsimiititaliap nalileraa timersorneq inuusuttut atugarissaarneranni, peroriartornerani ileqqorissaataanni aamma pitsaasumik inuuneqarneranni inituumik inissisimasooq. Taamaattumik ataatsimiititaliap naleqquttutut isigaa misissorneqassappat qanoq GUX -imi timersornermut sammiviup naleqqussarneqarsinnaanera imaluunniit ineriartorteqqinneqarsinnaanera, taamalu inuusuttut timersornermik soqutigisaqartut pitsaanagerusumik ilinniakkaminut timersornermik ilaatitsisinnaanerat, ilinniarnertuunngorniartutulli allatut.

Tamannalu tunuliaqutaralugu ataatsimiititaliap allannguutissatut sinnersuut saqqummiuppaa, taamalu Naalakkersuisut nunatsinni ilinniarnertuunngorniartut peqataanerisigut qaammarisaasannaangorlugit iluaqutissanik ajoqutinillu GUX -imi timersornermut sammiviup inassutigineqarsinnaanissaanut, inassutigalugu qanoq timersornerup ilinniakkat sammiviinik kiffaanngissuseqarluni toqqaasarnermut ilaalersinneqarsinnaanera. Nassuiaat imaqassaaq nalilersuineramik aningaasatigut allaffissornikkullu suliaq kingunerisassaanik saqqummiunneqassallunilu UKA 2026 -imi.

Inuusuttut periarfissaannik ilinniakkap timersornerullu ataatsimut ingerlanneqarsinnaanerannik tapersiinnissamik pisariaqartitsineq Naalakkersuisut akueraat. Taamaattumik Naalakkersuisut taamatut oqaaseqarlutik ilalersinnaavaat ataatsimiititaliap allannguutissatut siunnersuutaa, inassutigalugulu tamatuma akuersissutigineqarnissaa.